

Ataatsimiinnerup ammarneqarnera

(Inatsisartunut sivisunerpaamik ilaasortaasimasoq)

Inatsisartunut qinigaarlaani sivisunerpaamik ilaasortaasimasutut Inatsisartunut ilaasortat qinigaaqqittut nutaamillu qinigaasut 2014-imi inissitsiterluni ataatsimiinnissamut uummammit tikilluaqquakka.

Inatsisartut Suleriaasianni § 1 naapertorlugu Inatsisartunut ilaasortaq sivisunerpaamik ilaasortaasimasoq, arlallillu sivilisatigiimmik ilaasortaasimappata taakkunanga angajulleq, pisussaataivoq Inatsisartut Inissitsiterlutik Ataatsimiinnissaannut Inatsisartut ataatsimiigiqqussallugit.

Taamatut atuunnera atorlugu Inatsisartut ataatsimiigiqqussimavakka. Ulloq 28. november 2014 qinersinerup ingerlanneqarnerani qinersinerup inernerata qinersinermut ataatsimiititaliamit naatsorsorneqarnera tunngavigalugu ataatsimiigiqqussineq pivooq.

Takusinnaavara ilaasortat tamarmik matumani inissitsiterluni ataatsimiinnissap aallartinnissaanut tikissimasut, taamaalillunilu Inatsisartut qinigaarlaat tamakkiisumik aalajangiisinnaasuseqartut.

Ulloq 28. november ukioq manna qinersinermi Inatsisartunut siusinnerusukkut ilaasortaasimasut ilaat ilaasortanit nutaanit taarserneqarput. Taamaammatt Inatsisartunut ilaasortat nutaat immikkut tikilluaqqumavakka. Aamma ilisarimariikkat tikilluaqqungaarpakka. Tamassinut atuuttumik oqaatigissavara qinigaaffimmi aallartittumi pitsaasumik anguniagaqarfiusumillu suleqatigiinnissatsinnut qilanaarama.

Ilisimatitsissutigisinnaavara Inatsisartut sinnerlugit Ataqqinartorsuaq Dronning Margrethe Aappaat, qallunaat naalakkersuisui, Folketingi, Islandimi Altingi, Savalimmiuni Lagtingi Nunavummilu inatsisartut inuulluaqqussuteqarfigiumaarakkit, Inatsisartut ukiuni tulluuttuni sulinissaanni pitsaasumik inerititaqarfiusumillu suleqatigiinnissaq kissaatigalugu.

Taamaalillunga Inatsisartut Inissitsiterlutik Ataatsimiinnerat 2014 ammarneqartutut nalunaarutigaaara.